

4026

Bosna i Hercegovina
Federacija Bosne i Hercegovine
KANTON SARAJEVO
Kantonalna uprava za inspekcijske
poslove



Босна и Херцеговина
Федерација Босне и Херцеговине
КАНТОН САРАЈЕВО
Кантонална управа за инспекцијске
послове

Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Broj: 14-02-04-04855/20
Sarajevo, Novembar 02. 2020. godine

01 04 3355-11-326
4-11-2020

SKUPŠTINA KANTONA SARAJEVO
(na pažnju, predsjedavajućeg Mirze Čelika)

PREDMET: *Odgovor na zastupničko pitanje broj: 01-04-37535-11/20 od 29.09.2020. godine, postavljeno od strane zastupnice Danijele Kristić - dostavlja se;*

Zastupnica Danijela Kristić, na 29. Radnoj sjednici Skupštine Kantona Sarajevo, održanoj dana 28.09.2020. godine, postavila je zastupničko pitanje koje glasi

"Molim da izvršite nadzor nad zaštitnim šumama i šumama s posebnom namjenom na području Kantona Sarajevo, da li su na karti i na terenu obilježeni vidljivim znakovima koji su određeni u propisu o proglašenju šume, te utvrdite da li se poštuju ostali propisi iz Zakona o šumama KS".

O D G O V O R

Dana 15.10.2020. godine od strane kantonalnog inspektora zaštite prirode izvršen je inspekcijski nadzor nad Kantonalnom javnom ustanovom za zaštićena prirodna područja Kantona Sarajevo, kao upraviteljem zaštićenim prirodnim područjima na teritoriji Kantona Sarajevo i šumama koje se nalaze unutar istih.

Prema članu 27. stav 1. Zakona o šumama ("Službene novine Kantona Sarajevo", broj 05/13), šume sa posebnom namjenom su šume unutar zaštićenih područja ili prirodnih vrijednosti zaštićenih na osnovu propisa o zaštiti prirode.



web: <http://kuip.ks.gov.ba>, mail: kuip@kuip.ks.gov.ba
Tel: + 387 (0) 33 770-100 (centrala)
+ 387 (0) 33 569-870 (direktor)
Fax: + 387 (0) 33 770-151, + 387 (0) 33 569-890
Sarajevo, Aleja Bosne Srebrene bb

Inspekcijskim nadzorom izvršenim na terenu i uvidom u postojeću dokumentaciju utvrđeno je slijedeće:

1. Prilikom proglašenja svakog zaštićenog prirodnog područja pojedinačno izrađene su odgovarajuće karte u kojima su ucrtane granice obuhvata zaštićenog područja kao i granice ekosistema koji se nalaze unutar granice obuhvata, a što je u propisano članom 145. Zakona o zaštiti prirode ("Službene novine Federacije BiH", broj 66/13).

2. Kantonalna javna ustanova za zaštićena prirodna područja Kantona Sarajevo u funkciji upravitelja ovih područja, na terenu obilježila je granice odgovarajućim znakovima kako slijedi:

- Granica obuhvata kao i unutrašnje granice Zaštićenog pejzaža "Bijambare" obilježene su vidljivim znakovima u periodu 2004-2005 godine.
- Granica obuhvata kao i unutrašnje granice Spomenika prirode "Skakavac" obilježene su vidljivim znakovima 2018. godine.
- Granica obuhvata kao i unutrašnje granice Zaštićenog pejzaža "Bentbaša" obilježene su vidljivim znakovima 2019. godine.
- Granica obuhvata kao i unutrašnje granice Spomenika prirode "Vrelo Bosne" obilježene su vidljivim znakovima 2020. godine.
- Granica obuhvata kao i unutrašnje granice Zaštićenog pejzaža "Trebević" planiraju se obilježiti na terenu u toku 2021. godine, iz razloga što su komplikovane procedure koje zahtjevaju uključivanje entitetske komisije za obilježavanje granica po zahtjevu Ministarstva poljoprivrede, šumarstva i vodoprivrede Republike Srpske. Naime 2/3 granice obuhvata Zaštićenog pejzaža "Trebević" upravo čini entitetska granica.

Kantonalni inspektor zaštite prirode pokrenuo je i inspekcijski nadzor nad zaštitnim šumama i šumama sa posebnom namjenom kojima gospodari KJP "Sarajevo-šume" d.o.o. Sarajevo. Ove šume su također definisane Zakonom o šumama ("Službene novine Kantona Sarajevo", broj 05/13), međutim inspekcijski nadzor se provodi u vezi odredbi Zakona o zaštiti prirode ("Službene novine Federacije BiH", broj 66/13), koje definišu zaštitu strogozaštićenih i zaštićenih vrsta kao što su tisa, munika, molika i druge.

Inspekcijski nadzor na ove okolnosti zahtjeva duži vremenski period s obzirom na rasprostranjenost i veličinu ovih šuma na teritorij Kantona Sarajevo. Po okončanju inspekcijskog nadzora na ove okolnosti, bit će naknadno obavješteni.

S poštovanjem,

Dostavlja se:

1. Predsjedavajući Skupštine KS
2. Sekretar Skupštine KS
3. Sekretar Vlade KS
4. a/a

Po ovlaštenju direktora
S E K R E T A R



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb